



Na osnovu člana 24 Statuta općine Gradačac (« Službeni glasnik općine Gradačac» broj 4/08 i 5/12) Općinsko vijeće općine Gradačac na sjednici od 26.02.2015. godine, d o n o s i

ODLUKU
o subvencioniranju troškova
potrošnje vode i otpadne vode

Član 1

Ovom Odlukom utvrđuju se uslovi kriteriji i postupak subvencioniranja troškova potrošnje vode i otpadne vode, po osnovu poskupljenja (korekcija cijena), čime Općina Gradačac želi preuzeti teret za građane, kojima bi ovim poskupljenjem bio ugrožen standard življenja.

Član 2

Subvencioniranje obuhvata komunalne usluge za isporučenu vodu za piće, odvođenje i prečišćavanje otpadnih voda prema JP «Komunalac» dd Gradačac, i to razlike u cijeni, u odnosu na stanje prije i poslije korekcije cijene utroška vode i otpadne vode.

Član 3

Subvencioniranu cijenu ostvaruje korisnik komunalnih usluga JP «Komunalac» Gradačac.

Subvenciju imaju pravo koristiti korisnici komunalnih usluga sa prihodima do najniže penzije u Federaciji Bosne i Hercegovine i korisnici u stanju socijalne potrebe, i ista se priznaje za razliku mjesečne potrošnje po domaćinstvu u količini do 6 m³.

Član 4

Iznos subvencije je razlika u cijeni komunalne usluge na dan 01.01.2015. godine u odnosu na dan 31.12.2014. godine, i iskazuje se na računu za komunalnu uslugu, za koliko se umanjuje račun.

Član 5

Razlika sredstava obezbjeđuje se u budžetu Općine i doznačava se pružaocu komunalne usluge, na osnovu računa za subvenciju i spiska korisnika subvencije.

Član 6

Opšti uslovi za ostvarivanje subvencije su:

- da korisnik komunalne usluge ima prebivalište na području općine Gradačac,
- da je korisnik komunalne usluge svojstvo odnosno pravo, na osnovu koga se svrstava u kategoriju korisnika, stekao na osnovu propisa koji se primjenjuju u Bosni i Hercegovini,
- da račun glasi na korisnika komunalne usluge,
- da je korisnik potpuno izmirio obaveze prema računima za komunalne usluge iz ove Odluke.

Član 7

Neophodna dokumentacija za dokazivanje ispunjenosti uslova za subvencioniranje je:

1. Dokaz o visini penzije (posljednji ček) ili rješenje Centra za socijalni rad o statusu podnosioca zahtjeva,
2. Uvjerenje ispostave poreske uprave o prihodima svakog člana domaćinstva pojedinačno,
3. Prijava prebivališta, za sve punoljetne članove domaćinstva i da se prebivalište korisnika i članova domaćinstva nalaze na adresi na kojoj se nalazi nepokretnost za koju se podnosi zahtjev za subvenciju,
4. Posljednji račun za komunalnu uslugu izdat od strane pružaoca usluge na ime korisnika prava,
5. Potvrda od strane pružaoca usluge, da nema neizmirenih obaveza prema pružaocu usluga sa 31.12.2014. godine,
6. Izjava korisnika da pod punom krivičnom i materijalnom odgovornošću daje tačnost podataka za ostvarivanje subvencije..

Član 8

Korisnik komunalne usluge ukoliko pripada kategoriji iz člana 3 ove Odluke, i želi subvencioniranje, podnosi zahtjev Općinskoj službi za urbanizam, investicije i komunalne poslove, za ostvarivanje subvencije iz člana 4 ove Odluke.

Član 9

Po utvrđivanje uslova ispunjenosti uslova iz ove Odluke, nadležna Služba izdaje potvrdu o pravu na subvencioniranje razlika u cijeni, i sastavlja spisak korisnika subvencionisane cijene koji dostavlja pružaocu komunalne usluge do petog u mjesecu za protekli mjesec.

Potvrda se izdaje sa rokom važenja od godinu dana..

Na osnovu spiska iz stava 1 ovog člana, pružaoac usluge vrši obračun za subvenciju i istu sa zahtjevom za doznaku sredstava dostavlja Općini Gradačac, za isplatu refundacije subvencije.

Sredstva za realizaciju subvencije iz ove Odluke obezbijedit će se u budžetu Općine.

Član 10

Ova Odluka primjenjuje se od 01 narednog mjeseca od dana donošenja i važi do zaključivanja Ugovora o pružanju javnih usluga između davaoca usluge i Općine koji će se zaključiti u sklopu realizacije projekta vodosnabdijevanja koji finansira Evropska banka za obnovu i razvoj (EBRD).

Član 11

Ova Odluka stupa na snagu danom donošenja i objavit će se u «Službenom glasniku općine Gradačac».

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
-Općinsko vijeće-**

Broj:01-05- /15

Datum:26 .02. 2015. godine

G r a d a č a c

**PREDSJEDAVAJUĆI
Općinskog vijeća**

Enir Šakić, prof. s.r.